



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 168. Conventus Moguntinus.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

torem, & ad quosdam Pontifices Constanti-
 nopolim, significans, ut si quis ea quæ in sa-
 cra Synodo decreta ac definita sunt, non re-
 cepit, tanquam tyrannus & hæreticus habeatur,
 decidatque a communione sanctæ Ecclesiæ
 Catholicæ. Verum ardens hoc unionis
 tuendæ studium prospero effectu frustra-
 tum perspiciemus.

§. CLXVIII.

Conventus Moguntinus.

Dum Patriarchæ Orientis ex ultimis
 terrarum Oris ad Eugenium conflue-
 bant, summi Pontificatus auctoritatem
 reverenter suscepturi, Basileenses eandem
 penitus evertere extremis conatibus la-
 borabant. Quam ob rem suos decerne-
 bant Oratores ad conventum, seu comi-
 tia, quæ Principes Germaniæ in Mense A-
 prili Moguntiæ celebranda indixerunt. Ac-
 cesserant quoque Legati ab Eugenio Papa
 missi, simulque Galliarum Rex a Friderico
 Cæsare ad hunc conventum venire
 rogatus suos Oratores unacum pluribus
 aliorum Principum Legatis eo ablegave-
 rat. Advenerat jam antea cum reliquis
 Basileensium Delegatis Joannes de Segovia,
 quem Felix postea Cardinalem Sancti
 Calixti nuncupaverat. Hic Principum
 adventum eo consilio præstolabatur,
 ut Legati a latere munia obire posset,

Sæcul. XV. quinimo, absente Archiepiscopo Moguntino, urbem ingredi, sibi que Crucem præferri voluit. Verum his molitionibus protinus obsistebant Principes, ac insuper Præfulum nonnulli, urbisque Canonici eundem rogabant, ut si Ecclesiam intraret, legationis insignia dimitteret; Archiepiscopum enim Moguntinum, ceterosque Germaniæ Principes ad communem pacem tuendam arctissimo vinculo copulatos decrevisse, nihil eorum, quæ contententium alterutri parti damno, aut fraudi esse possent, permittere. De cetero se solum Eugenium tanquam verum summum Pontificem venerari, & Basileensem Synodum pro legitima habere, proin se Joanni suadere, ut usque ad adventum Archiepiscopi Moguntini domi se contineret.

Ang. Patric. Histor. Conc. Basil. & Flor. art. 117. ex tom. 13. Conc. p. 1590.

§. CLXIX.

Conventus Moguntinus Basileensem Oratorem sub Legati prærogativa agnoscere oblectatus.

Tandem Moguntiaë Archiepiscopus die duodecima, aut forte decima tertia Februarii comitante eum Trevirensi Archiepiscopo Moguntiam delatus est, quorum etiam paucis post diebus Imperatoris Oratores, aliique quam plurimi secuti fuere. Joannes Segoviensis, cum per quos-